

his Joachimus Hopperus, non patriæ tantum Civitatis, sed Frisæ etiam totius, atque adeo Belgicæ dum vixit, lumen & ornamentum. In eadem orti Petrus a Fritema I. C. Albertus Hero Philosophus & Theologus aliique complures. *Stauria, Staveren*, in Littore maris Australis portecta jacet: Ager finitimus planus est, fossis multis & paludibus intercisus. Hodie nihil magnificum habet Civitas, præter Arcem validam Portui Maris imminentem, cujus fundamenta jacta sunt a Georgio Schenck Frisæ Gubernatore, nomine Caroli V anno 1511. ut Burgundi eo opportune possent militem & commearum bello necessarium ex vicinis Hollandiæ Civitatibus transmittere. Plinius incolas videtur *Sturios* appellare lib. IV cap. XV. *Harlinga* ad fauces maris Australis sita, unico milliari a Franico, agrum habet fertilem, Arcemque contra hostium impetum bene munitam, Portumque loci situ opportunum: nam venientibus ex Septentrionali Frisæ & Germania Orientali primam commodamque stationem offert: quocirca plurimi eo confluerunt, loci commoditate illecti, exque varia ista confluxu hominum Civitas vehementer aucta est. *Franicum* a Francis denominationem sortitum, patria est Ioannis Vlpitrii linguarum peritissimi. Gymnasium publicum habet. Sunt præterea *Damma, Bolswardum, Ilsta, Sloren, VVorchum, Hindelopen*. Insulæ Frisiorum plures sunt; præcipua vero est *Schellingana*, nobilis Canum marinorum venatione, qui in littore apricantes, saltu incondito rusticorum varie vestitorum longius protrahuntur protracti dum mare repetunt, capiuntur dispositis in eam rem retibus. *Westfrisæ* solet adcerseri *Groeninga*, Frisius finitima, quæ sola cum suo territorio quod vocant *Ommelanden*, provinciam constituit. Patria hæc fuit Rodolphi Agricolæ Viri suo seculo doctissimi.

Eidem civitati originem acceptam referunt VVesselus sive Basilius & Reinertus predinius theologi & Philosophi celebres. Frisæ solum lacubus ac paludibus frequentibus abundat (ut supra diximus) ac fluminibus rigatur *Laubaco* (qui aliis *Lavica & Labola*, hodie *Lauwers*) & *Amis*. Habet & a Meridie Sinum longe amplissimum, quem hodie *Zuyder-Zee*, velut Australe fretum, quod in Meridiem vergat, nuncupamus. Status vero Politicus Frisæ tres habet partes principales, quæ sunt: *Oestergouvv* Comitatus, cujus Metropolis *Leoardia* & dividitur in *Grieteneyen*, id est Præfecturas has: *Leovarderadeel*, in qua *Leoardia*; *Tietzercksterdeel* in qua *Tietzarck*; *Idarderdeel*, in qua *Idaert*; *Rauvverderahem*, in qua *Rauvvert*; *Fervverderadeel*, in qua *Fervvert*; *Dongerdeel*, in qua *Wetzens*; *Dantummedeel*, in qua *Dantumma Wolt*; *Acht Kerspelen*, in qua *Suyrhusum*; *Colmerlandt*, in qua *Collum*; *Vesterlant*, in qua *Beetz*; *Smalingerlandt*, in qua fuit *Smalingerlee* Abbatia Ordinis S. Benedicti. *VVe- stergouvv* Comitatus, in quo sunt *Grieteneyen*, *VVonferadeel*, in qua *VVinmarssum*; *Franickeradeel*, in qua *Franicker*; *Banadeel*, in qua *Mimersgae*; *Meynaldummadeel*, in qua *Meynaldum*; *Baerderadeel*, in qua *Baerdt*; *Hennarderadeel*, in qua *Hennaert*; *VVeynbriizeradeel*, in qua *Gavve*; *Gheesterlandt*, in qua *VVickel*. *Sevenvolden* Comit. in quo sunt *Grieteneyen*, *Donjevverstal*, in qua *Donigae*; *Lemster Vijsgae*, in qua *Lemmer*; *Aenghevvert*, in qua *Ca- thrybandt*; *Schotterlandt*, in qua *Nye & Olde Schotten*, *VVittingerdeel*, in qua *Olde-horn*; *Hasscher Vijsgae*, in qua *Hasscherhorn*. Tota autem Frisia Occidentalis cum Groeningensibus Episcopo Trajectensi solebat subesse.